



C O M U N E D E P À D R I A (Provìntzia de Tàtari)

Pratza de su Comune – Pàdria – Tel. 079/807018 – Fax 079/807323 - E Mail :sociale@comune.padria.ss.it

AVISU PÙBLICU

Indennidade Regionale Fibromialgia (IRF)

Deliberatzione de sa Giunta Regionale n. 7/12 de su 28/02/2023 e D.G.R. n. 10/39 de su16/03/2023

S'informant sos tzitadinos interessados chi sunt abertos sos tèrmines pro sa presentatzione de sas dimandas de ammissione a sa “Cuntzessione de unu sustennu econòmicu denumenadu “Indennidade Regionale Fibromialgia” (IRF) – annu 2023”;

Su contributu econòmicu “Indennidade Regionale Fibromialgia” (IRF), at a èssere isbursadu in sa forma de unu contributu “una tantum” che pare a Èuros 800,00, in sos limites de sa disponibilidade de su bilàntziu regionale, a favore de sos tzitadinos residentes in su Comune de Pàdria in possessu de sa tzertificatzione mèdica, de data no a pustis de su 23 de nadale de su 2022, chi atestat sa diàgnosi de fibromialgia.

RECHISIDOS DE AMMISSIONE A SU CONTRIBUTU

Podent presentare sa dimanda pro sa cuntzessione de sustennu econòmicu denumenadu “Indennidade regionale fibromialgia” sos sugetos chi ant sos rechisidos chi sighint:

- èssere residentes in unu comune de sa Sardigna;
- àere sa tzertificatzione mèdica, de data no a pustis de su 23 de nadale de su 2022 (data de intrada in vigèntzia de sa L.R. n. 22/2022 – comente dae Allegadu a sa Deliberatzione de Giunta Regionale n. 7/12 de su 28.02.2023), chi atestat sa diàgnosi de fibromialgia; sa tzertificatzione mentovada in antis devet èssere dada dae unu dutore ispetzialista (reumatòlogo, ortopèdicu, fisiatra) abilitadu a s'esertzìtziu de sa professione e iscritu a s'albu, siat dipendente pùblicu siat cunventzionadu siat professionista liberu, non sunt ammìtidas tzertificatziones de su dutore de famìllia;
- no àere benefitziu de àteru giuamentu pùblicu cuntzessu solu pro sa diàgnosi de fibromialgia.

Si sas resursas disponìbiles pro s'annu 2023 diant resurtare non sufizientes in relata a sos chi ant deretu, **su contributu de èuros 800,00** est isbursadu cunforma a sa situatzione econòmica de su benefitziàriu mesurada cun s'aplicatzione de sos limites de **ISEE sòtziu-sanitàriu** chi sighit

FÀSCIAS ISEE	MINIMADURA DÀBILE
ISEE finas a èuros 15.000,00	Finanziamentu progetu sena minimadura
ISEE incluidu tra èuros 15.001 e èuros 25.000	Finanziamentu progetu minimadu de su 5%
ISEE incluidu tra èuros 25.001 e èuros 35.000	Finanziamentu progetu minimadu de su 10%
ISEE incluidu tra èuros 35.001 e èuros 40.000	Finanziamentu progetu minimadu de su 25%
ISEE incluidu tra èuros 40.001 e èuros 50.000	Finanziamentu progetu minimadu de su 35%
ISEE incluidu tra èuros 50.001 e èuros 60.000	Finanziamentu progetu minimadu de su 50%
ISEE incluidu tra èuros 60.001 e èuros 80.000	Finanziamentu progetu minimadu de su 65%
ISEE in prus de 80.000	Finanziamentu progetu minimadu de su 80%

EROGAZIONE DE SU CONTRIBUTU

Sos contributos ant a èssere erogados a sos chi ant deretu dae su Comune de Pàdria chi gestit s'interbentu in sos limites de sas resursas assignadas, intro de trinta (30) dies dae su trasferimentu de sas resursas dae parte de sa Regione.

TÈRMINES E MODALIDADES DE PRESENTAZIONE DE SAS DIMANDAS

Sos interessados, chi ant sos rechisidos indicados in su Bandu, a s'assegnazione de su contributu ant a pòdere presentare dimanda a su Comune de Pàdria, cun una de sa modalidades chi sighint: Sas dimandas, cumpiladas in su modellu apòsitu e kompletas de sa documentatzione rechesta, ant a dèvere pervènnere a s'Ufìtziu Protocolu de su Comune de Pàdria, dae sa die **1 DE ABRILE DE SU 2023 A SU 30 DE ABRILE DE SU 2023**, cunforma a una de sas modalidades chi sighint:

- cunsigna a manu a manera dereta a s'Ufìtziu Protocolu de su Comune de Pàdria;
- pro mèdiu de PEC a s'indiritzu chi sighint: protocollo@pec.comune.padria.ss.it

Sa modulistica s'agatat in sos ufìtzios de sos servìtzios sotziales o in su giassu istituzionale de su comune de Pàdria a s'indiritzu www.comune.padria.ss.it

A sa rechesta de ammissione, presentada pro mèdiu de su mòdulu allegadu a custu Avisu divent èssere allegados:

- unu documentu de reconnoschimentu de su rechedente in cursu de valididade e còpia de su còdighe fiscale;
 - còpia tzertificatzione **ISEE SÒTZIU-SANITÀRIU** .
 - tzertificatzione de su dutore, de data no a pustis de su 23 de nadale de su 2022 (data de intrada in vigèntzia de sa L.R. n. 22/2022 – comente indicadu in s'allegadu a sa Deliberatzione de Giunta Regionale n. 7/12 de su 28.02.2023), chi atestat sa diàgnosi de fibromialgia;
- custa tzertificatzione devet èssere dada dae unu dutore ispetzialista (reumatòlogu, ortopèdicu, fisiatra) abilitadu a s'esertitziu de sa professione e iscritu a s'albu,(dipendente pùblicu, conventzionadu, professionista liberu).

S'evidèntziat chi s'at a pòdere atzèdere a su contributu solu posca chi biat istadu su trasferimentu de sas resursas assignadas dae parte de sa Regione Sàrdigna.